

## Notat

---

Til: Y-Nemnda  
Opplæring og helseutvalet

---

Frå: Fylkesrådmannen

Referanse  
2014/358-2

Dato  
30.01.2014

### **Notat om styrking av rammetilskotet i staden for særløyving til lærebedrifter. Førebuing til notat om evaluering av tiltaka i 2013.**

Ekstra tilskot til lærebedrifter for å auke gjennomføringa har tidlegare vore omtalt i statsbudsjettet, og har vore oppe til sak i Yrkesopplæringsnemnda og Opplærings- og helseutvalet i Hordaland dei siste fem åra.

I Statsbudsjettet for 2014, er midlane gått inn som ei styrking av rammetilskotet til fylkeskommunen. Tilskotet vil gå inn i ordinært budsjett, og utanom ordinært tilskot til lærebedrifter vil det bli rapportert om samla bruk av midlane. Ei evaluering av tilskota som vart brukt i 2013, vert lagt fram i februar 2014.

I handlingsplanen til regjeringa for yrkesfaga heiter det:

*"Regjeringen vil satse på yrkesfagene, og har derfor bevilget 114 millioner kroner ekstra til et Yrkesfagløft. Hensikten er å styrke samarbeidet med arbeidslivet og sikre at opplæringen til elevene blir mer relevant og praktisk rettet. Viktige tiltak for å bedre virksomhetenes vilkår er blant annet økt lærlingtilskudd og tilskudd på 50 000 kroner til nye lærebedrifter".*

Den nye satsinga frå regjeringa, lærlingløftet, inneber mellom anna ein ekstra auke i lærlingtilskotet på kr 3500. I tillegg vert det også skissert ein ekstra startpakke på kr 50 000 for nye lærebedrifter. Det føreligg foreløpig ikkje nokon retningsliner knytt til dette tilskotet.

Til å dekke satsinga vart det sett av 75 millionar ekstra i statsbudsjettet for 2014. Av dette er Hordaland sin del om lag 7 millionar.

I tillegg til forsterka rammetilskot til fylkeskommunen vil departementet styrke satsinga på dei yrkesfaglege utdanningsprogramma i tråd med Samfunnskontrakten for fleire

lærepassar og Meld. St. 20 (2012–2013) «På rett vei. Kvalitet og mangfold i fellesskolen». Tiltaka i samfunnskontrakten skal medverke til å auke talet på lærekontraktar med 20 prosent innan 2015.

Tiltaka inneheld følgjande satsingsområde:

- Hospiteringsordningar
- Ekstratilskot til lærebedrifter som tek inn søkjarar til læreplass som det er vanskeleg å få ut i lære
- Vekslingsmodellar
- FYR-satsing
- Styrking av Vg2 (kvalifisering for læreplass og kvalifisering for Vg3 påbygg)
- Forsterka Vg3 (sluttopplæring i skule)
- Styrking av samarbeid mellom lokalt/regionalt arbeidsliv og skuleeigar

I statsbudsjett for 2014 er det sett av midlar til dette. Det er Udir som vil styre tildelingane. Midlane vil vere søkbare. I samband med tilleggsproposisjonen frå den nye regjeringa vart satsinga på vekslingsmodellar, hospiteringsordningar og FYR-prosjekt ytterlegare styrka.

I Hordaland er vi i gang med Hospiteringsordning, Vekslingsmodell, forsterka Vg3 (bil klasse i Norheimsund.) og FYR-samling.

Ein del av vidareføringa av NY GIV-satsinga vil også bli retta inn mot desse områda. Overgang frå Vg2 i skule til læreplass er ei særskilt omfattande og kompleks utfordring som Opplæringsavdelinga vi ha ei tydeleg merksemd på.